

AD TVTPAM REI MEMORIAM

Excessu nobis desuper pastoralis officii debito ecclesiarum quarumlibet utilitati necnon fidelium omnium praesertim nobis et Sanctae Romanae ecclesiae subditorum paci et quieti consulere cupientes illa quae propterea provide gesta fuisse dicuntur ut illibata persistent libenter cum a nobis petitur mandamus apostolice munimine roborari Exponi nobis nuper fecerunt dilecti filij Ausonius Serenus Rector Plebanus nuncupatus parrochialis ecclesiae Plebaniae nuncupatae Sancti Stephani ac Vniuersitas hominum Terrae seu loci Montis Sancti firmam dioec. Quod cum alii sit et causa inter ipsos super iure animalia ad pro tempore existentem dictae ecclesiae Rectorem pertinentia tam in ecclesia quam Vniuersitatis praedictorum possessionibus pascendi et super decimarum solutione rebusque alijs in actis causae huiusmodi satis deductis et illorum occasione diu perendisset Tandem ipsi omnibus eorum iuribus in Dilectum filium Casarem de Gambarara Prouinciae nostrae Marchiae vicelegatum remissis ac illius interuentu pro bono pacis ad infra scriptam concordiam sub nostro et sedis apostolice beneplacito deuenerunt videlicet quod ipse Ausonius et ipsius successores dictae ecclesiae Rectores pro tempore existentes possent cuiusvis generis et speciei animalia usque ad numerum centum et non ultra ab omni gabella et alio onere ex quavis causa a sede et vniuersitate praefatis impositis et imponendis libera et exempta tam in possessionibus ecclesiae quam particularium hominum Terrae praedictarum ad ipsorum contradictionem et solutionem propterea curiam faciendam tenere Et si ipse pro tempore existens Rector non haberet animalia pasculum pro dictis centum animalibus licet et in possessionibus suis non haberet nec ad illam quae in dicta possessionibus pascentur vel aliquam aliam penam sed dumtaxat ad damni passu emendationem teneretur Et ne maiorem centum animalium numerum per eum ibidem tenere contingeret dilecti filij Syndici et officiales Vniuersitatis huiusmodi ratione eorundem centum animalium debito tempore tenere et habere ac illa in qualibet possessione absque aliquo Rectoris pro tempore existentis impedimento manutenere possent Quodque ipse Rector pro tempore existens maiorem praefato numerum in dictis possessionibus tenere non posset etiam si affertum ratione excessiui numeri huiusmodi soluere uellet nisi de licentia eorundem Vniuersitatis dumtaxat qui soli licentiam huiusmodi et non aliam dare et concedere possent Et si maior numerus animalium Rectoris pascentium ibi reperiatur ipse Vniuersitas animalia numerum huiusmodi excedentia reconduci facere et ipsum Rectorem ad fraudis et aliarum penarum tunc expressarum solutionem cogere possent Et similiter ipse Rector deberet permittere tam vniuersitatis quam forensium per Vniuersitatem praefatos ex locatione conducta animalia in possessionibus eiusdem ecclesiae pasceri Et praeterea quod ratione decimarum huiusmodi ipse Rector pro tempore existens non posset neque deberet plus habere quam quinquaginta quinque florenos quolibet anno de Mense Augusti soluendas ex quorum quinquaginta quinque florenorum solutione tam eiusdem Terrae Montis Sancti quam illius Terrarum habitatorum a decimarum praestatione liberati essent ac forsitan alii petierunt etiam cum certis obligationibus et cautelis tunc expressis prout in instrumento publico desuper confecto plenius dicitur contineri Quare pro parte Ausonii et Vniuersitatis praedictorum asserentium concordiam huiusmodi in euidentem dictae ecclesiae utilitatem cessisse et cedere fuit nobis humiliter supplicatum quatenus concordiam praefatam pro illius firmitate substantia robur apostolica confirmationis adiacere ac alii in praemissis opportune providere de benignitate apostolica dignaremur Nos igitur instrumenti et pactionis praefatorum tenores praesentibus pro expressis habentes concordiam et pactionem aliasque praemissa ac prout ea concernunt alia in dicto instrumento contenta et in descripta quaecumque licita tamen et honesta ac euidentem dictae ecclesiae utilitatem cedentia apostolica auctoritate tenore praesentium confirmamus et approbamus ac illis perpetuae et inuolabilis firmitatis robur adiacimus omnesque et singulos tam iuris quam facti defectus si qui forsitan interuenerint in eisdem supplemus necnon omnia et singula praemissa valida et efficacia futuris existere et fore suosque plenarias effectus sortiri ac ab ipsis partibus inuolabiliter obseruari debere et praeterea ipsas ab illis nullo unquam tempore resuicere posse et sic per quodlibet iudicium et commissarios quauis auctoritate fungentis Sublata eis et eorum cuiuslibet quauis aliter iudicandi et interpretandi auctoritate et facultate iudicari et affirmari debere Ac quod si secus a quoquam quauis auctoritate scienter uel ignoranter attentari contigerit irritum et inane decernimus Non obstantibus constitutionibus et ordinationibus apostolicis necnon eiusdem Terrae et alijs etiam iuramento confirmatione apostolica uel quauis firmitate alia roboratis statutis et consuetudinibus Ceterisque contrarijs quibuscumque Dat. Romae Apud Sanctum Petrum sub Annulo Piscatoris Die xxij Decembris M. D. LXIII Pontificatus nostri Anno quinto

Ca: Glorierius



